

Txindurri buruan eta ibili munduan!

Martxoaren 22an Txindurri Dantza eta Txistu Taldeko kideok abentura berri bati ekin genion: Praga, Viena eta Budapesteko folklore internazionalako jaialdira bidaiatzen, hain zuzen ere.

Goizean goiz hartu genuen hegaldia Pragarantz. Egun hartan Bruselako aireportuko atentatua zelareta, itxaronaldia luzatu egin zen eta gau partean heldu ginen bertara, baina tira, hurrengo egunetako gozamenak ikusita, itxaronaldia merezi izan zuen.

Praga

(4 egun eta 3 gau)0

Goizak hiria bisitatzeko antolatuta genituen bai *free tour* delako baten bitartez, baita gure kontura ere. Hiria xarmak, eraikinek eta historiak aho zabalik utzi gintuzten. Benetan gomen-dagarria!

Arratsalde aldera izan ziren dantza ekitaldiak; gure dantzak Serbia, Bosnia, Turkia eta Israelgo taldeekin batera jendaurrean eskaini ge-

nituen. 10 minutuko dantza ekitaldiak bata bestearen atzean eta, txaloak? Garestiak. Deigarria iruditu zitzaigun ikuslegoaren aldetik txaloak ez jasotzea. Lehenengo dantzalditik triste irten ginen baina gure sorpresarako, ikusleek zoriondu egin gintuzten! Badirudi txalotzea ez dela bertako ohitura. Bigarreneko bagenekien.

Viena

(3 egun eta 2 gau)

Martxoaren 25ean Vienara abiatu ginen. Aurretik ez genekien, baina bidaiak Israelgo dantzarekin batera egin behar genuen eta, horrela, Austriara bidea hartu genuen. Vienako estantziaren alderik onena, hotelaren kalitatea: logela eleganteak, jangela itzela... Ondo aprobetxatu genuen hotela! Estantziaren alderik txarrena,



hotela Vienan ez zegoela. Bidaiak dezente luzea geneukan hiriaren zentrorara eta hori hiria ezagutzeko itzelezko muga izan zen. Hori dela eta hiriari bisita *express* bat egin genion. Hala ere, aipatu beharrekoa da hiriko eraikinen handitasun eta dotoretasunak bertara bueltatzeko gogoarekin utzi gintuela.

Hotelean bertan egin genuen dantza arratsalde hartan. 10 minutuko ekitaldia

berriro eta oraingoan aurrekoei Txipre, Bulgaria eta Mazedoniako taldeak gehitu zitzaizkion. Eta horrekin batera, txaloak eta taldeen arteko giro paregabea.

Gau hartan Turkiako lagunak egin genituen eta bertako dantzak ikasi ere! Gau polita izan zen hura! Haien bidaiak Vienan bukatu zen, gurea berriz Budapestera, beraz, hurrengo goizean bertarantz abiatu ginen.



-%50!!

Atsedendiaz hitz egingo dugu?

Zubiaurre 32 (Ermua)

943 177 041



Denetik zure maskotarentzat!

- Maskotentzako janaria
- Katu eta txakurrentzako osagarriak
- Maskoten autogarriketa
- Ileapaindegia
- Hezitzailea

Tel.: 943 05 44 20
Bizkaia etorbidea, 11 - eskuma
48260 ERMUA (Bizkaia)
bobby.todoparatumascota@gmail.com

Talde-saioak

Hirugarren adinerako gimnasia

Emakumeen korrikalari klubak

Kirol aholkularitza, planifikazioa eta jarraipena

eSporti

ENTRO DE ENTRENAMIENTO PERSONAL

Entrenamendu pertsonalak

Analisi biomekanikoak

Talde txikiak

Susperaldi funtzionala

Iparragirre 13 Behea (Ermua) • 943177094

e.sporti.cep@gmail.com



Probaleku 4 · Ermua · 943 946 810

Budapest (3 egun eta 2 gau)

Heldu bezain pronto jantzi eta dantzalekura joan behar izan ginen, dena korrika eta presaka, denbora gutxirekin. Pazkoa zen eta bertako hoteleko langileak oporretan omen zeuden. Beraz gure logelak astiro-astiro-astiro prestatu zituzten. Hemen talde gehiago batu zitzaizkigun, gehienak serbiarrak eta horrek zekarren, ezinbestez dantza batzuk errepikatzea. Eta guk ikasten genituen. Beraz, orain Txindurriko dantzariak gerrikoari heldu eta saltoka ikustea ez da batere arraroa. Dantza taldeez gain hainbat koro batu ziren age-

rraldira eta batzuk hunkituta utzi gintuzten euren ahotsekin.

Gauean afaldu eta hotelean gelditu ginen (argi geratu zitzaigun zopa zela bertako plater garrantzitsuena). Hurrengo eguna zen dantzaldirik ez geneukan egun bakarra. Pester bisita, izugarria, *free tour*arekin batera. Goiz afaldu eta dantzari guztiak *boat tripa* egitera joan ginen, Danubio ibaia zeharkatuz, gauez, hiria argiz beterik, bai Buda bai Pest.

Hori egin ostean Zsimple taberna ospetsua bisitatu genuen. Bertan zerbait hartu eta festa pixka baten bila joan ginen. Airean utziko dugu aurkitu genuen ala ez! Hurrengo goizean Buda aldeira joan ginen, Budapesteko gaztelua, katedrala eta inguruak ezagutze asmoz; zorte txarrez, edo guri inoiz gertatzen ez zaigun moduan, euri zaparrada erori zen. Berriz ere goiz afaldu eta dantzatzerara abiatu gi-

nen, Hungariako herri txiki batera. Gure azken dantza erakustaldia, bidaia bukatzeaz...

Bidaiaiko ekitaldirik onena eta seguruenik aspaldian izan dugun esperientziarik onenetakoa izan zen egun hartakoa. Dantzaldiak harrera paregabea izan zuen. Katxondeo pixka batekin gure txistulariari "Orchestra Woman" deitu zioten gainontzeko musikariek (kuriosoa zen hiru taldek bakarrik generamala musika zuzenean).

Israelgo taldearekin 8 egun igaro ostean haiek agurtzeak pena eman zigun. Taldeko umeek gure taldekide batzuekin egunero jolasean ziharduten eta taldeko zuzendariak gurekin oso detaile politak izan zituzten.

Eta gau hartan itzultzeko ordua heldu zen. Jaialdiko zuzendariak eta langileak besarkadekin agurtu eta autobusean bidaia luzea geneukan Pragara bueltatzeko.

Horrelako bidaia baten



helburua

da gozarazten digun gauza bat eginez esperientzi berri eta aberasgarri bat izatea, dantza eta folklorea elkarbanatzea. Baina taldekideen harremanak sendotu egin dira eta horrez gain lagun berriak egin ditugu. A! eta poztasuna zer den ere erakutsi dugu, txaloak zer diren adibidez!

Armaia Arginzoniz



IES **UNI** BHI
EIBAR-ERMUA

AUKERA ZABALENA!

**HEZIKETA ESKAINTZA:
A ETA D EREDUAK**

BATXILERGOAK

Zientziak eta Teknologia

Humanitateak eta gizarte zientziak

Aukerako irakasgaien eskaintza zabalena

PROIEKTUAK ETA JARDUERAK

Nazioarteko ikasle-trukeak

UNI Encounter

Hizkuntzaren normalkuntza

Osasunarentzako programa

Urrats Bat

Agenda 21

Informatika ingelesez

TEL. 943 20 84 44

www.uni.eus

idazkaritza@uni.eus



twitter @UniEibarErmua



www.facebook.com/iesunibhi

**BATXILERGORAKO
AURREMATRIKULA:
MAIATZAREN 2-TIK 12-RA ARTE**

ATE IREKIAK:

APIRILAREN 27AN 15:30-18:30

APIRILAREN 30EAN 11:00-13:00